

mm

732/70

126

N

RIKAJAT PRANG SABIL

Geususon Lee

H.M. Zainuddin



Geupeuteubiet Lee

Pustaka Iskandar Muda

Dj. Amaliun No. 14 A

M e d a n.



RALAT

(Kesilapan)

Halaman	Baris atas kebawah	Tertulis	Seharusnja dibatja
3	17	merenan	meunan
5	8	peureuman Allah	peureuman Rabbi
6	4	whee	wahee
6	5	neupengah	neupeugah
9	8	bauta	beuta
19	14	seuama	seulama
23	13	djeuët2	djeuët
25	14	jo that	Io that
35	11	Kpahee	Kaphee
36	8	Laloë dipeukalon	Laloë sabee dipeukalon
41	13	ka meutoeng	ka meutoeeng
47	12	kan beurakah	kon beurakah
48	11	djikeu bonoë	dikeu bunoë
49	24	balos djasa	balas djasa
55	11	ien	iem
57	23	neubri beureulot	neubri beureukat
65	15	rajuh	rajeuk

Hak Tjipta
Dilindungi oleh Undang2 Negara
Tjetakan I Tahun 1960.

mm 100/V 732/70 Rp. 10.-
150,

HIKAJAT PRANG SABIL



Geususon Lee

H.M. Zainuddin

Geupeuteubiet Lee

Pustaka Iskandar Muda

Dj. Amaliun No. 14 A

M e d a n.

KALAM SIPATAH

Ngon rahmat Tuhan jang maha kuasa kamoë peuteubiet buku hikajat prang sabi njoë, jang ka treb that gadoh kareuna dilarang batja dan keubah lee pemeurintah Blanda.

Mudah2an buku hikajat njoë djeuet keu neubeuet (batjaan) masrakat Atjeh lam bidang hiburan dan kebudajaan jang djeuet geutjok paidah toh jang peureulëe.

Indonesianja.

Dengan rahmat Tuhan jang maha kuasa kami menerbitkan buku hikajat prang sabil ini, jang sudah lama sekali hilang karena dilarang batja dan simpan oleh pemerintah Belanda.

Mudah2an buku hikajat ini mendjadi batjaan masjarakat Atjeh dalam bidang penghiburan dan kebudajaan jang dapat diambil paedah mana jang di perlukan.

Penerbit :
PUSTAKA ISKANDAR MUDA
Tjabang Langsa.

MUKADDIMAH.

BISMILLAHIRRAHMANIRRAHIM

Soë jang jakin meubagia
Amabakdu heja achi
hikajat prang Sabi lon meurika

Naskah djameuen na lon keubah
lon seuleah peubaro teuma
lon boh jang brok lon toeeng jang djroh
saboh-saboh gantoë haba

Haba karot bandum lon boh
lon seule ah tjok jang benua
Hikajat prang sabi that meuseukee
joh masa kaphee geularang batja

Soë jang keubah pih meupaloe
geu pasoë dalam gelap raja
Habeh lon djak djeueb-djeueb tempat
djak peusapat deumpeuë haba

haba tarich galak lon that
lon deungo pat lon djak mita
lheueh u tunong djak u baroh
hana pijoh lon djak mita

abeh timu djak u barat
troih bak tempat Hadji Njakna
peue lon deugo bandum lon surat
lon peusapat lageë areuta

meunan teungku lon seuleu-ah
haba tarich kepusaka
Zainuddin nan lon tuan
hamba Tuhan jang that hina

dinanggroë Ndjong lahee tempat
sinan meukat ajah bunda
abeh peukan banda londjak
u Peureulak troih u Langsa
nangroë Peureulak tjit makmu that
lo mon minjeuk lam glee raja.

AMABAADU WAHEE TEELAN
Teungku Sjah Saman pahlawan kha
Teungku Sjah Saman ureueng that
bako
dinanggroë Tiro dejah gebuka

Ulama malem meugah tungang
geupeu ek prang u Atjeh beusa
U tanoh Abëe meuwoë ulang
di Aneuk galung peudong kuta

Peukan seneuloëb kuta Rentang
taloë Blang Bintang troih u
Kroeeng Raja
Teuku Tanoh Obëe ulama meusjuhu
peusapat teungku ulama ulama

ulëbalang panglima sagoë
sapeue bagoë peutheuen negara
Teungku Empè trieng rakan sjarikat
jang tjang reunab kaphee lam kuta

Keutapang dua dengan posblang
abeh geutjang sitrèë Belanda
Teuku Husin di Lam leu eu
aneuk Teuku pahlawan loengbata

abeh reunab kaphee lamblang
dibeudoh ditjang lee gureela
awak gureela di eue lam blang
dalam bak drang brunjong bha

bandum reunab kaphee sitrèe
ka ditipèe lee awak gureela
menan keuh ban gureela dilèe
ditjang sitrèe lam blang raja

merenan teungku masa dalèe
meusapeaue lagèe dum ulama
sapeuë lagèe saree anggok
geujuë intjhok kuta Belanda

djeuep-djeuep malam hanna poli
peu ek prang sabi hana reuda
uroë geusiwue malam geuprang
geutamong geutjang kaphee lam kuta

Kuta Lambaro kuta Tjot iri
sampoë u pasi Silang Lam Nga
Kuta Rumpitpih geu engkhoj
kaphee ploeng woë u Kutaradja

Meunan Teungku geupeutheun prang
Teungku Sjah Saman Tiro ulama
Rakan ngon Teungku Pantee Kulu
digobnjan sit Teungku saboh kuta

Dinangroë Baid asal gobnjan
utoih hanban bak meurika
bak meurawee hana sakri
hikajat prang sabi tamat geurika

Njang haba phon seb keuh djumnan
Meule bak njan kuweuet djaröë
Meuta ikot njan mumada
Keupeu guna panjang rawoë

BISMILLAHIRRAHMA NIRRAHIM

Alhamdulillah pudjoë keu Tuhan
lheueh nibak njan seulaweuet keu Nabi
lheueh keu Nabi keu rakan sabat
njoë hikajat muprang Sabi

geusuroh muprang Sabilolah
deuh njata trang wahee achi
peureuman Allah njang that sutji
peureuman Allah dalam Qurán

ingat hai mokmin peureuman Rabbi
printah Tuhan Rabbu'lalamin
neubloë mokmin neujoë prang kaphee
rot ta matee djalan ibadat

kon hareukat djalan raseuki
tetapi keu djalan tjeureuga
ingat adoë soë na bagi
badan sutji lob tjeuruga

sit njang tembri atra ngon njawong
geudjak tamong ubak prang landja
neubloë ka lheueh meuhai han sakri
keu jum tjeureuga njang that tinggi

beu suka atee beu that galak
leubéh nibak hak poteuh neubri
disinan deuh dalam Qurán
peureuman Tuhan meunan djandji

laén bak Tuhan wahee adek
han sidroë ék peutroih ban djandji
neuboh laphai "in" keu tauhit
ná ta thée bit whee achi

Oh lheueh ajat neupengah neubloë
mèe tjit adoë ta prang kaphee
na keuh mèe tjok keu bunuloeëng
seudia droë peusenang atee

ta meu- ungki han keuh na mèe
surat dilée rata ka neubri
òh lheueh neubloë neubòh ngòn surat
lam lhèe teumpat taurat indjil

teuma geunab lhèe ngon Qurán
sinan hai abang surat neubri
nak kong atee bek teudjalok
nak gadoh sjòk keu tan peuebri

Lòm nak tatém pubuët suròh
ta djak prang musòh kaphée masosé
meu-neu-preëh-préh teuseulém droë
bak meukeusut bloë bunoë ka djandji

mehan tadjak njang ka neubloë
meuhat dudoë siksa neubri
misé peureuman lam Qurán
ngò lòn bajang wahee achi

Han tjit teudoeek boeet Potalah
dum pat mudah printah Rabbi
beuthat tadoeek dum geutajoë
laén na soë badai neubri

Po geutanjoë kuasa neuh that
djeuët barang pat neunjoë poh kaphee
dalam Qurán tjit neupeugah
misee kisah aseuhab ul-fil

Joh masa njan wahee abang
gòh njata trang pang-uleë Nabi
mantong Nabi lam kandòng ibu
thòn njan hai teungku njata nabi

djatheun lee kaphee ba asoë Makkah
djilakèe reulhoh Kaabah sutji
dum teumakot asoë nanggroë
handjeuet sidroë larang kaphee

njan keuh hai Po beuta-ingat
bek tuwo that keuprang Sabi
tjitjém udjeuën teuma neusuròh
djéuet dji paròh kaphee asi

djirhom ngòn btée ban aneuk reuteuek
kaphee menseupruek ateueh bumoe
kaphee djipijoh dum dalam blang
dalam padang wadi mohasi

kaphee matee dum senaroë
malénkan sidroë njang na keumbali
meudum na soë peugah haba prang
oh djiriwang njan u nanggri

oh saree lheueh haba djipeugah
karonja Allah djih pih matee
toeeng ibarat wahee adoë
bek hana soë tèm prang kaphee

toeeng ibarat wahee teungku
bék meunabsu keu donja ini
bek meutangò ngon geulunjoëng
bek djitem toeeng ubak atée

meuhan tatem dum geutanjoë
neunjoë na soë laén lagi
peue tjit takheun-droë namiët Tuhan
suroh neuh han tapadòli

peue tjit takheuen droë umat Muhammad
bak kaphée tjit tapeutoë lee
tatém djak mubloë ngon tameukat
tatem djak mat djaroë kaphee

lom tapateh peue njang djikheuen
tjit tatem toeeng peu njang djibri
alah-alah wahee teungku
bak pihak nabsu njan keu nanggri

beu ta ingat keu potalah
bekthat dèesah teuh keunangri
oh lheueh ajat neupeugah neubloë
na keuh mië roë ta neu-ungki

adak tak heuen nabsu teuh na
han lagoë na tadjak prang kaphee
peumerdéka droë nak seunang atee
Bauta-ingat wahee adoë

Bah keuh tawoë ke suroh Rabbi
Bek ta ungki wahee adoë
Oh neutanjông pakri ta seu-ot
Pakon ulikot suroh Rabbi

Oh geudjok adeuëb keu peunulang
Aleh pakri ban djaweuëb tabri
Beuta-ingat wahee adoë
Bandum geutanjoë tawoë bak Rabbi

Hadih nabi djinoë lon boh
Bek meutanggoh djak prang sabi
Ureung na kuasa djimeutanggoh
Keu djih ham roh tjeurenga neubri

Han keuh na roh keudjih neubri
Njang mée keudjih tapeutakot
Mee geudhôt-dhôt barang kari
Mee geubòh djih didalam hat

Nak teu-ingat wahee achi
Jòh gòh keunòng adeuëb bak tubòh
Bek meutanggoh djak prang Sabi
Ta tjuba pikee hai teungku boh

Nadjeuët meu tanggoh suroh Rabbi
Meunjo ka ek djeuet tameu tanggoh
Tjuba tjit òh troh malekan mauöt
Geudjak tjok njawong suroh Tuhan

Tatjuba tatham geutem nanti
Beutapuboet hai teungku boh
Bek meu tanggoh bak suroh Rabbi
Lom joh goh geubri badai

Bek meunjeusai dudoë hai achi
Rijeuk di laut meuguntjang-guntjang
Diwoë-riwang u bineh pasi
Geusangka ek djih leuh nibak Tuhan

Han geumuprang nibak Sabi
Njoë lom tadeungo peureuman Tuhan
Dalam Quran bandum hai achi
Neupeu-ingat mokmin bek lee nanti

Meukeusut bak ajat fatarabasu
Preh hai teungku njang han prang kaphee
Meunnjo na preh na keuh balaih
Dudoë teulah teuh hai achi

Oh neujoë preh njang seuneugot
Ta mita rot lheuh bak Rabbi
Joh na leumah rot djeuneubaih
Riwang pantaih bak prang Sabi

Bek meulale bak areuta
Ta mita laba djeuet keurugi
Aneuk ngon diudo bek tatjheen sajang
Ta tik u blakang wahee achi

Bek tagaseh keu keurabat
Keu rakan sabat njang han prang Sabi
Lom bek taweuh keu teumpat djroh
Bahlee gadoh beuthat meuligoë

Barang kapeue bek keut tatjhén
Tjit na laen dudoë Tuhan bri
Beuta peuseb Nabi ngon Tuhan
Lhèe sikarang ngon prang Sabi

Peue njang gadoh Tuhan gantoë
Uroë duboö laén neubri
Meunan bangon diureueng dilèe
Hana padeë geuprang kaphee

Barang dum ta gaseh laen bak Tuhan
Siat han djan ka hana lee
Kadang-kadang teugoh galak
Ka geurinthak hai boh atee

Got keuh taboh joh goh that weueh
Taleuk belheuh bek tatjheën lee
Meuthat ta gaseh reudjang ga doh
Atee teuh reuloh oh tokhat saree

Meunjo meunan wahee teungku
Tiek bak ladju bek taweuëh lee
Meuthon-thon uroë dudoë
Tuhan gantoë peue njang tan lee

Tjit that kaja Tuhan sidroë
Ek meugantoë laen neubri
Tango lon peugah masa djameuen
Sidroë ureueng djak bak Nabi

Geudjak tanjong kri pahla muprang
Peue beunalaih geudjak tanjong
Gobnjan bingong that han sakri
Hai pang ulèe rasulollah

Peu neubalaih keu ureung prang Sabi
Peuee keuh neubri uroë dudoë
Oleh po droë rabun djali
Teuma neuseu-ot Rasulollah

Tjeureuga luaih dudoë Tuhan bri
Njan beunalaih pajah ta muprang
Lom neupulang budiadari
Budladari rupa tjeudaih

Sobbeuhan Allah maha sutji
Dum teudoeek-doeek dalam meuligoë
Preh troh lakoë malam hari
Njan dum digob masa dilèe

Han ek djitipèe ngon djitaki
Han ek djetipeë uleh sjaitan
Kong that iman keu Allah ngon Nabi
Njoë ta deungo lom peureuman Tuhan

Dalam Quran tjit hai achi
Peureuman Tuhan hana puroë
Hana sidroë tem padoli
Leumah peungeuh tjeureunga that indah

Meunjo tan pajah nanjum han neubri
Meutan pajah han keuh reumbang
Ta tjuba pham njan hai achi
Meu hanta tirèe ureueng dilèe

Han ta teumèe seunang atee
Sang² keumeung gadoh saba
Njum gli geunta bak geuprang kaphee
Hingga khem Nabi bak ureueng njan

Padjan lom datang tulong Rabbi
Tuhan seu-ot tanjong keuh njan
Hai ureueng meulman tulong rab kubri
Beuthat njakin bek lee sosah

Tulong potalah djinoë troih lee
Al-djannatu tahta ziliil-sujufi
Hadih njoë meunaroh sangat
Dijub bubajang peudeung neukeubah

Tjeureuga that luaih lagi tinggi
Dali keu tjeureuga njang that indah
Benda njang mudah pih sinan lo
Meunan bangon peurintah achirat

Kon ban adat donja ini
Wal hijatul daimatu fi sjarbi ku usil kutufi
Neubri udeb njang keukailan
Lain minuman lazat hai achi

Njoë lom tango beuët ajat
Hase beureukat sukam neubri
Keuureueng mokmin djaian njang seunang
Peunajah Tuhan Rabon djali

Geumuprang nibak Sabillollah
Peunudjok Allah suroh Rabbi
Areuta ngon njawong ka geupeuseurah
Suroh potalah ta padoli

Sigala dousja amponabeh
Meuseuki dum bu-eh rijeuk di pasi
Neubri tjureuga djanat Adam
Teumpat raman sukaan atee

Teuka keunan peue njang meuheut
Peue meukeusut tjit ase lee
Tuhan karonja keunan nikmat
Keu ureueng chidmat boet prang Sabi

Djanaltolferdos neubri tjeureuga
Peungeuh tjaja hana sakri
Budhadari tudjoh ploh droë
Kadam sinaroë laén lagi

Medum-dum nan neubri beunalaih
Na mée malaih ta prang kaphee
Meunjo njang na mata peungeuih
Han taboh meuih tatoeng besi

Talawan kaphee atee han meugrak
Siulah tan hak bak agama tinggi
Djitheun langkah bak njang suroh
Nak meubek-roh bak njang meukri

Tadeungo lon teungku abang
Tipée sjaitan nak taturi
Tipee sjaitan lo that bagoë
Na Sidroë-droë ureueng turi

Bak saboh gampong na keuh sidroë
Bak saboh nanggroë sidroë padoli
Eak kaphee njou lo that bagoë
Tango hai sampaoë lon peugah kri

Tipèe djen kaphee hana soë lawan
Adak rhot iman pih han padoli
Meuna djikheun uleh sjiatan
Djioë doek sadjan ngon compeuni

Tapeudjok droë ubak Tuhan
Han ek talawan pakri ta tukri
Adak takheun tadjak muprang
Tinggai beuridjang tumpok padee

Tinggai atra dum lom djeut tatjari
Beuthat tadoeek sinoë digampong
Ban njang untong nibak Rabbi
Bah keuh dudoë teuma tadjak

Oh ka djarak kaphee ka undi
Bek tapateh tipèe Sjaitan
Reuta-iman Allah ngon Nabi
Johgoh kaphee djitoeeng nanggroë

Tabudoh djinoë bek tadoeek lee
Bek lalee le wahee abang
Beudoh djak muprang ta ikot Nabi
Han djeut ta iem peuseungab droë

Doek lam nanggroë peuseunang atee
Tjit peurelèe ni bak watee njan
Lagèe seumajang wahee achi
Wadjeb tapuboet djeuëb keutika

Meujo gata umat Nabi
Han samporeuna seumajang puasa
Meunjo han ta bungka bak prang Sabi
Faki meuseukin dum tjut raja

Tuha muda geutjhik waki
Djakalée beuthat hanba urang
Wadjeb tjit bak prang geupeureugi
Beuthat bek lheuh bak djih utang

Wadjeb tjit gobnjan geuprang kaphee
Beuthat bek idin ureuëng po njan
Wadjeb gopnjan geudjak prang Sabi
Mise u hadji hareuem tadjak

Meugoh meuluhak kaphee di nanggri
Meunan kheun sjiah habib Allah
Mopeuti makah wahee achi
Njoë lom tangò peureuman Tuhan

Takorbanken blandja prang
Bek ta sajang blandja prang Sabi
Aretapih wadjeb tameublandja
Hai sjeëdara beutapikee

Mala jatimul wadjibbu illa bihi fahuwa wadjibun
Areuta han tadjok droë han tadjak
Preh geupantak udalam api
Menan seksa wahee tèelan

Njan mise lon kheun makna mustahah
Ureung njang lo troh meuih ngon pirak
Djibri han galak blandja prang Sabi
Keudjih seksa uroë dudoë

Geuteu-om asoë hana chali
Badan geuteu-om ngon meuih pirak
Lom geutimplak hana sakri
Lo that katroih dikah areuta

Han ka kira Blandja prang Sabi
Adak tatem djok areuta
Bek takira digob han geubri
Dudoë tjit geubri keudjih bagi

Saboh tabri tudjoh reutoh geupulang
Dudoë meuriwang keu gata neubri
Diinoë keupeue niang galak droë
Dudoë geupasoe dalam api

Nian keuh ta pikee wahee adoë
Ingat oh tawoë ubak Rabbi
Bandum geutanjoë tawoë bak Tuhan
Sidroë pih han tinggal dibumi

Mita beusungoh wahee adoë
Blandja tawoë unanggroë njang Sutji
Oh meuhadap ngon potalah
Pana ret lueuh teuh hai achi

Meukom tatem masa djinoë
Peusungoh droë bak prang kaphee
Wadjib tatem joh didonja
Untong joh na udeb saree

Njan keuh amai njang that keunong
Oh lheueh liwong watæe seumajang
Njan tango lom wahee sabat
Lon beuët ajat hadih Nabi

Hadih pangulëe rasul Tuhan
Han djeut wajang blandja prang Sabi
Man anfaka binafakatin
Fi sabi-lillahi dju illat fi-mizanih

Ingat palem sabda Nabi
Soë meu belandja bak Sabilollah
Tadeungo pantah wahee achi
Suroh potalah neujoëe timang njan

Djeub2 uroë neuratja neupeudong
Seuama mantong donja ini
Geunab uroë pahla neutamah
Meumantong leumah tapandang hari

Njan dum leubehan bak potalah
Bek tagundah rugoë hee achi
Joh na mudah bek keuh takriët
Blandja teubiët keuprang Sabi

Meuka tabri joh na mudah
Bak potalah laen neubri
Areuta meugantoë wahee achi
Meuseukimatee bak ta muprang

Suroh Tuhan bek tapeutjree
Djeuneh matee njang kon tjahit
Sek-sa Maugriët hana sakri
Meu-oh leumah malaikat ma-ot

Sinan teumakot leubeh bak matee
Saket ban geutak deungon peuduëng
Oh ban tangiëng malaikat ma-woti
Baro teuingat teulah teuka

Matee tjahit hana meu griët
Mise geutjutiët sakit gata
Oh ban reubah ka meugulee
Djudo troh lee muda-muda

Djimuëng olèe djesampoh darah
Ubak Allah ka djiba lee
Djiboh lam reuhap djime ladju
Beuthat ta-eu sinan meugule

Meunan keuh dum printah achirat
Han na umat njang na tukri
Han tok dapat geutanjoë pandang
Malengkan Tuhan Rabbon Djali

Ureueng njang sjañit bak potalah
Dalam kubah tjeureuga njang tinggi
Geunap uroë geubri makanan
Dalam idang dum meuriti

Rupa saban rasa meulaen
Ladat that makin njang datang lagi
Geunap uroë lom neubri seunalen
Meulaen-laen suka diatee

Lagèe makanan meunan tjit seunalen
Meulaen-laen Tuhan neubri
Sidum-dum nan neubri seunalen
Beudoh hai poleem bek tadoeek lee

Soë laën bri meunan rasa
Laen bak Tuhan Rabbon Djalee
Dum nan neubri bak po si droë
Mèe doeek keudroë dalam donja

Dingon kaphee han geumuprang
Dum nan bak Tuhan meunalaih neubri
Matee lam rumoh meugriët sangat
Lo that mangat diblang matee

Kheun badjuri dalam hatjiah
Kitab djauharah kalon hai achi
Matee lam tika djeuët keu maleë
Ureueng dileë masa na Nabi

Diureueng dilée geumatee diblang
Hana geusajang unggal meligi
Keureuna matee dalam ta at
Djeuët keu mangat printah Rabbi

Masa djameun wahee adek
Soëdina chaled neumoë keudroë
Kareuna matee kon dalam prang
Uroë malam neumoë sabee

Dumnan tjaleuet nibak badan
Hana lapang meu be padee
Han tjit mateeneuh dalam prang
Printah Tuhan Rabbon Djali

Meugoh tokhat sampoë djandji
Beurangkri ban pih han matee
Meuka tok hat adjai sampoë
Lam kuta beusoë pih han meutheun lee

Natjit hase pahla tjahit
Sabab keubit nibak atee
Meuseuki matee kon dalam prang
Pahla keunan na tjit hasee

Meuseuki matee dalam tika
Kureuëng hana pahla sabee
Keureuna meuthat tatem tuntutan
Tuhan mak-but neupeutroh lee

Pahlia prang Sabi beuthat galak
Meudhoë tapak tan ngon Nabi
Dimakah madinah siribeë uroë
Leubeh tjit adoë sinoë seuhari

Leubeh siuroë bak teumpat prang
Dum nan leubehan meuprang Sabi
Dilon hai teungku meulon karang
Soëdina Usman ampunja rawi

Lam dua njan teh keuh njang get
Djeuet taseutet njang reumbang diatee
Lam toboh droë tamita trang
Peungeuh bandrang mata atee

Beuta tilek ngon mata njan
Roh bak seunang wahee achi
Bal-il insanu-ala nafsih basir
Kheun potalah njang maha sutji

Djeuët2 getanjoë dum na ensan
Na mata trang dum teusaree
Mata atee teh that peungeuh
Tilek bak deuh bek djeuët rugi

Ngon mata njan betatilek
Wahee adek po boh hatee
Meuhat reumbang wahee teungku
Njang suroh po dengon Nabi

Njoë lon seubot saboh hekmah
Keuseunamah haba prang Sabi
Beutasjuko dum geutanjoë
Hana sunjoë nekmät Tuhan bri

Nikmat Tuhan hana padoë
Geunap uroë hana chali
Njang that, rajeuk nekmät Tuhan
Roh bak muprang ureueng faki

Sangkira tan soë prang Blanda
Djeuet keupala ka djitaki
Djeueb² sagoë hana lapang
Djeueb siurang djilakèe wasee

Nanggroë njang djitoeeng meunan dawoh
Sihah tanoh limong peng tabri
Sidroë sirejuë djilakeë hak
Kutika budak na lam nanggri

Sidroë sirijeue lom djilakèe
Tok hat watee ureueng matee
Lam tudjoh uroë siuruë buet keudjih
Meunan meudjeulih hukom kaphee

Nanggroë njang djitoeeng meunan laku
Mise meulaju dinangroë singkee
Meunan hukom di Peulimbang
Nanggroë Padang meunan Saree

Ureueng agam joë djak uglee
Pula kupi ke kempeni
Ureueng inong ditjok ke njanji
Meunan keuh kri nangroë kaphee

Tan soë sajang pih meusaboh
Ureueng djroh-djroh djipateh kaphee
Han soë muprang pih meusidroë
Bamdum peudjok droë ubak kahee

Oh djilakëe wasee lam nangroë
Bak sidroë-droë djibri sitahee
Asai ka teutap djidoek lam nangroë
Beuthat meupaloë hana djipikee

Njan keuh sabab han soë muprang
Jo that pandang djih kakaphee
Njang kong iman tan meusidroë
Alamat nangroë njan ka ahee

Njang teungku2 abeh djeh tipëe
Njang lo eleumeë hana geungoë lee
Meunoë djikheun ubak teungku
Seëtan peulaku dalam atee

Hai teungku pakri tadjak muprang
Soë peutimang rakjat lam nanggri
Meunan djipeugah ubak teungku
Soë peulaku kameng gasi

Soë tapeudoeek bak meunasah
Soë perintah djakeuët ngon tahlil
Pakon meugriet roh teu dhap-dhap
Prang njoë lambat mantong lawi

Prang kamoë njoë mantong lambat
Peu meukarat tadjak ili
Bah keuh dudoë tameulangkah
Oh gadoh sosah dalam nanggri

Meunan tipèe djipeulaku
Geutjhik ngon teungku lhèe ngon waki
Oh dji-ingat le aneuk nanggroë
Teungku geutanjoë hana neu ili

Peu meugriet that tadjak geutanjoë
Kadang prang njoë pakri pakri
Bek keuh dilèe tapeureugi
Adak meunjo prang peureulèe

Teungku njang gurée ka neu padoli
Keureuna gopnjan ureueng malem
Geubeuet kajem malam hari
Gaubeuet kitab ngon Quraan

Ken na sinan bhaih prang Sabi
Aneuk nanggroë meunan waham
Hingga ikotan geutjhik waki
Aneuk rakjat ka djidaja

Teungku pih ka keunong taki
Digeutjhik dawok peutimang nanggroë
Diteungku laloë ngon chanduri
Maseng2 peutimang pangkat

Han leeteu ingat keu prang Sabi
Dawok laloë bak hareukat
Ladum rakjat laloë bak djudi
Keu suroh Tuhan tan lee teu ingat

Peuturot mangat doeek lam nanggri
Neusuroh uleh po ubak muprang
Neubri peunulang tjeuruga njang tinggi
Peue njang meukeusut na disinan

Peuneudjeuet Tuhan budiadari
Adjaeb seukali asoë tjeureuga
Soë na hawa bek lee ta nanti
Keupeunulang soë na kheun djak

Beudoh teungku djak bak prang Sabi
Bukon sajang gapeueh pandjoë
Angen tampoë han meuh lee
Buken sajang ureueng lam nanggroë

Djitjok djinoë keusirantee
Suroh Tuhan ta ikuti
Beudoh achi tadjak prang kaphee
Beusa seudang malem djahee

Meuseuki malem beuthat bangsat
Wadjeb meuhat tjit prang kaphee
Ureueng gasien ureueng kaja
Lape teuga barang kari

Bandum wadjeb geudjak muprang
Inong agam bandum saree
Meunan tadjak po meutuah
Saleh teulah uroë pagee

Keu uroë dudoë beu ta ingat
Geubri tempat tjeureuga tinggi
Digop geubri digata tan
Dudoë hai abang rusak atee

Digop geudoeek dalam dasah
Njang pateh Allah dengon Nabi
Digop bandum padjoh makanan
Sadjan-sadjan budiadari

Ureueng tan muprang mata keunan
Bak ureueng njan hana chali
Tapreh geubri buloeeng digata
Ngon ie mata reunda reundi

Njang na geubri tjit meuadeub
Abeh teulheuep tuleuëng reulee
Njan keuh masa teulah teuh that
Ingat sabat po boh atee

Njan dum geupeugah laba rugoë
Han tjit na soë tem prang kaphee
Meunjo djalan djeuet keu rugoë
Keunan le soë tem meu atee

Beuthat pajah dengon rugoë
Beuthat sampoë njawong reulee
Meunjo djalan njang na laba
Han soë kira hai boh atee

Bah that meuteumee meuh menguntja
Han ho djiba beuthat ilee
Geusangka dudoë han roh teulah
Oh tawoë bak Allah Rabbon Djalee

Njan keuh seubab han soë pateh
Djipeudjajeh kalam Rabbi
Peureman Allah neujoë muprang
Deuh njata trang dalam tapeusee

Njan djeuet geujoë beuet Quraan
Mangat tatuban amar ngon nahi
Kon hai teungku tabeuet Quraan
Mangat reudjang meuteumee chanduri

Mangat tatepeue suroh Potalah
Njang neuteugah pih bak meukri
Sinan teuntee rugoë ngon laba
Tjeureuga neuraka sinan tjit meukri

Sakit mangat geupeunjata
Pakon hana tapadoli
Pat na padok ajat Quraan
Peue sabab han taprang kaphee

Fakri digata hana wadjeb
Njan djeuet katreb tapeureugi
Adak takheun lo peu lintang
Badum sjeetan gata djitaki

Bek tapateh sjeetan tipee
Tjit ka tathee suroh Rabbi
Bit2 prang njoë njo peureulèe
Njata ka dilèe han peue lagi

AMABAKDU POTJUT MEUTEU AH
Beudoh bak bagaih djak prang blanda
Ureueng njang dudoë geudjak bak prang
Saleh sajang kureueng pahla

Kadang2 tjit han geubri
Tadjak ka ahee oh gadoh padja
Keureuna tadjak njan kon suroh Allah
Sebab djirampaih oleh Belanda

Njan djeuet han tatem meudoeek sapat lee
Sabab sabee djilakèe deunda
Sabab djilakèe wasee lam nanggroë
Ham ek tapasoë hukom Belanda

Lom pih sabab djitoeëng peurumoh
Njan djeuet tabeudoh adak han hana
Lom pih sabab gata malèe
Inong djilakèe djiweuek dua

Malam keu gata uroë keu djih
Meunan meudjeulih hukom Belanda
Djilakèe wasee djeueb2 gampong
Djeuet2 udjong djinjoë djaga

Meunjo watee njan tadjak muprang
Keureuna Tuhan hana bak gata
Keurena sabab bunoë lon pengah
Keureuna dirampaih djilakèe deunda

Adak njo tadjak keureuna Allah
Pakon ta langkah oh ahee masa
Barangsoë puboet kon keureuna Allah
Meuhat pajah sia sia

Hana meuhat geubri paidah
Sabab meudaleh keurena donja
Meunjo meuhan hai meutuah
Beudoh pantah joh na daja

Eit bit peureulèe neujoë muprang
Djak beureudjang bek oh djula
Dengon kaphee muprang wadjeb
Han djeuet peutrep tapreh paksa

Bek tapeutreb hai boh atee
Djakalée matee paidah na
Djak ta ili hai po bak prang
Suroh Tuhan ubak gata

Beudoh hai po djak ta ili
Ikot Nabi pangulu kita
Oh ka tadjak bak prang Sabi
Niet lam atee peukong agama

Niet pemanjang agama Rabbi
Bek prang Sabi keureuna donja
Keureuna Allah sidjati-djati
Suroh Rabbi simata mata

Beuthat abeh njawong simpan
Wadjeb talawan kaphee tjilaka
Padum-padum hadih saheh
Hana ret weh bak prang Belanda

Djak tamuprang hai boh atee
Djakalée matee pih tarila
Beukit hai po keunong beudee
Tjit ka troh lee djudo gata

Budiadari keunan sampoë
Djak toeeng lakoë asoë tjeureuga
Djimoeeng ulèe sampoh darah
Atee dasah djudo ka na

Laen teudong sinan djendjang
Dalam seueh prang djiwoë hana
Djipreh reubah linto baro
Dji eu djudo reubah teuhanta

Oh ka reubah meutadjo-tadjo
Ok meuhambo bée komkomma
Adak leumah ta eu budiadari
Bandum han chali djiprang Belanda

Ladom meutan leumah dji-eu
Djikheun teungku rugoë mata
Adak hai po leumah ta-eu
Bandum tadjo lam tjeureuga

Meuta deungo ri gop2 paugah
Njang na tuah djipeutjaja
Tjit djipateh ban peuneugah
Suroh Allah han djilupa

Soë na nabsu njan keudjudo
Djeulameë bak lo disinoë taba
Budiadari soë na meunabsu
Bahlee hai teungku djeulameë tamita

Kau djeunameë kon meuh pirak
Kon intan meukrak bukon susa
Njang djeunameë tjit ibadah
Suroh Allah takeureudja

Ta ibadat uroë malam
Peue njang neutham bek keureudja
Njan keu hai po djunameë putroëti
Bak prang Sabi tadjak landja

Soë na hadjat keu putroëti
Djak ta ili tjang Blanda
Meuhan tapateh Allah ngon Nabi
Ngon teuh geubri buloeeng geugata

Meunjo tapateh Allah ngon Nabi
Tjit na djandji neubri tjeureuga
Beu ta ingat wahee sampeë
Hadih pang ulèe neukarang ka

Barang ka soë han pateh Nabi
Djuet keu kaphee ahee masa
Meunjo njang na nasib bahgia
Tjit na djimita djalan njang seunang

Barang kadum roh tamaba
Djimeudakwa hana reungang
Njan alamat ureueng tjeulaka
Oh tamaba djipujang

Meuroh oh that tatem peukreueh
Keuseuneulheuëh geutanjoë djitjang
Get keuh hai po beuta iem droë
Meuhan mupaloë ahee datang

Teuma paue djeuët ta-iëm droë
Uroë dudoë Tuhan keukang
Oh tatupeue eleumië Potalah
Beutapeugah keudum urang

Meuhan meunan gata salah
Dudoë lam babah geuboh keukang
Meunjo meunan hai po meutuah
Bah lee tapeugah bah that djitjang

Wadjeb tapeugah peue njang suroh
Misee musoh Tuhan joë prang
Taprang kpahee wadjeb meuhah
Bek hai sabat tapeu wajang

Djih neujoë poh uleh Allah
Bek meudjoharah ngoh kaphee njan
Bak takalon njum ka salah
Teh ret ilah glah dengan Tuhan

Iman lam dada ka hana lee
Sabab keu kaphee djikheun tuan
Soë njang djak sadjan kaphee
Sabee-sabee tameurakan

Soë njang djak mat djaröë kaphee
Iman han lee keudjih tuan
Barang peue djipeugahlee kaphee
Djih pih kaphee njan djimeunan

Didonja ka geukheun kaphee
Pakon sabee tadoeek sadjan
Pakon hai po han tapikee
Njang nan kaphee sitrèe Tuhan

Njoë na saboh wahee teungku
Amabakdu keulawan njan
Ureueng njang doeek sadjan kaphee
Tjit laloë dipeukalon

Dumnán sukaran hukom djibri
Tuhan ngon Nabi tapateh han
Djeuheut that akai kaphee badjeuëng
Djigantoeng ureueng ladom takalon

Ngon agama djipeukeng keueng
Lom ngon ureueng habeh djipubloë
Uleëbalang uguh-uguh
Habeh djiboh dalam nangroë

Bukon sajang bungong djeumpa
Duroh mala keunong uroë
Meuhana soë tem prang Belanda
Rugöë dumna uroë dudoë

Han djitinggai teh meusaboh
Bandum djiboh beuthat peutua
Ladom djiba u Betawi
Ladom diisi lam glap raja

Ri njang muda keu sipa-i
Keu keulasi ureueng tuha
Habeu nanggroë djipeukengkeueng
Pat meuteumeung djitjok landja

Dum areuta habeu djitoeeng
Djibuloeeng keu ureueng djiba
Keu rakan droë areuta djibri
Keu gadji bandum laseuka

Tjit ka dilëe djimeudjandji
Upah djibri soë njang suka
Habeu djitjok njang han tunduk
Njang talok laen keunira

Djiboh hukom kaphee kutok
Keupeue djitjok siteungoh atra
Siteungoh atra dumna rajat
Djipeusapat keu blandja

Djikkeun didjih rugoë lo that
Tan lee hisap han ek kira
Siteungoh atra djinoë tabri
Saboh bagi tjok keu gata

Meunan hukom bak gommeuni
Meuhan tabri diak tabungka
Njang geumpulang nasiteungoh
Njan plh mehmoh lam peukara

Liabeh djitoeeng teuma keudjih
Kaphee paleh kukom djibuka
Han lee tingai pih meu-euntjit
Djijoë keumiët teuma bak gata

Alat seunjata habeh djitjok
Djiseukok soë njang meudakwa
Beuthat tasom njan ta peudoeek
Habeh djitjok dilèe mula

Meu soë ba ngon djitjok alat
Dengon sihat djibitjara
Joë meudjodi padjoh mandat
Ladom meusapat bak gaseng djawa

Djijoë ureuëng djak meutaroh
Ladom sunggoh han peue maba
Teuka ureueng lhèe peuët reutoh
Djak meutaroh mita laba

Soë njang talo tinggai badan
Habeh sempan peu na djiba
Kaphee paleh ka djipadan
Bak tjina rakandjijoë geumala

Djijoë gala sikin tumbak
Beudee kapak peudeuëng sama
Ringet djibri ban njang keundak
Didjih galak djipeusiwa

Habeh djitjok bandum barang
Sikin panjang seumuanja
Keumurah dengon sinampang
Peudeuëng panjang alat seundjata

Saree abeh bandum alat
Teuma djisasat djitoeeng areuta
Habeh bandum djipeusapat
Djikarat habeh djimita

Oh tan alat dalam manggroë
Hukom djinoë teu ma djituka
Ho ka gata dum teu saree
Beusa keutje tuha muda

Djiboh hukom kaphee pindoë
Laen bagoë djiseureuta
Dum ta ikot boet gommeuni
Bek meu ungki tuan beusa

Soë han ikot hana lagèe
Kuplah ulèe djih kusula
Meunan djikheun kaphee asèe
Dikeue djamèe bak rajat bha

Hukom djiboh dalam nanggroë
Laen bagoë tan ban njang ka
Ban njang meuheut kaphee pindoë
Ban galak droë si Belanda

Saree hasee ban njang meuheut
Meë djipuboet ban njang hawa
Aneuk dara dum njang djeu-oh
Djisuroh udalam kuta

Han djitinggai pih meusaboh
Dara beutoh njang get rupa
Oh trok bak djih djimeugundek
Djitarek soë njang na hawa

Habeh teuboh inong bajek
Han peu sidek boet beranda
Linto baro teudoeek keudroe
Djeh ho binoë ka kaphee ba

Ladom meunan na njang meunoë
Oh tren lakoë djih djiteuka
Ek urumoh buka pinto
Djitamong ladju ho njang suka

Djibeuradu sadjan sama
Nibak rinjeun djihat keupiah
Djikeubah djiboh keutanda
Watèe taek meuhat djitrom

Ta eu djirhom han soë publa
Watèe beungeh ureueng lakoë
Djipeutaloë sikleub mata
Djipeuteupang gaki djaruë

Djiboh beusoë tadjam mata
Tadjak peugah boet si pa-i
Bak gompeuni tapeuhaba
Pakri tuan boet sidadu

Peutroh nabsu djimeudina
Aneuk dara habeh djidrop
Peurumoh gop habeh djiwa
Ureueng nanggroë abeh reuntet
Pakri njang get nibak gata

Seu-ot kaphee djaweueb djibri
Djipeugah kri sigra sigra
Hukom kamoë bak gompeuni
Tadeungokri hee dum peutuwa

Dum na nanggroë njang ka meutoeng
Meuboh buloeeng bagi dua
Njang areuta diblang digampong
Sabee buloeeng ngon jang punja

Beukit inong meunan bagi
Disuami saboh djeumba
Bah siteungoh keu sidadu
Bek tjeumuru dumna gata

Bak gompeuni njan keuh laku
Gata teungku bek meudak-wa
Bagi gata tadam malam
Uroë keu tuan keu laseuka

Kaphee asde biek gonteulèe
Djipanggee aneuk peutua
Dum peurumoh ulèebalang
Njang meusubang mantong muda

Bak lakoë meunoë djibilang
Lon ka datang padum lama
Dengon gata lon meusabat
Nibak teumpat nanggroë gata

Temeudoeek-doeek sinoë sapat
Meusjawarat peu keuredja
Prumoh gata ureueng binoë
Hantom keunoë na geuteuka

Tjuba joë djak meusiuroë
Mangat kamoë kalon rupa
Ulèebalang teuna pikee
Eseutiri bak lon djijuë ba

Njum hana get meuhan tabri
Gompeuni meng ngieng rupa
Teuma geuwoë ulèebalang
Geuriwang bak rumoh tangga

Geujoë peuget saboh idang
Gata datang bak tuan beusa
Gata djinoë djak ta ili
Bak gonteule dalam kuta

Supaja gata mangat djituri
Djan ta ili singoh lusa
Ureueng binoë pih that galak
Meutajoë djak han peu taba

Geumee ngon idang ladju geudjak
Hingga tampak dalam kuta
Ban suree troh ubak tuan
Peudjaman ban sikada

Djibri minum ngon makanan
Seukalian biek meusaka
Dum na peunadjoh babeh djibot
Biek meusalop dengon gula

Oh saree lheuëh peudjaman
Pinah idangan djidjok bunga
Dudoë teuma lheuëh nibak njar
Sikalian djijuë gisa

Djibri salen meuh keurawang
Bunga karang lo hareuga
Oh lheuëh djibri bungong djaroë
Djikheun meunoë ubak wanita

Beulo gaseh wahee putroë
Saweue kamoë singoh lusa
Inong djiwoë ladju leugat
Djiinfat oh pinto kuta

Na kada siseun djeumeuat
Lom djiseutet djijoë teuka
Ureueng binoë lom dji-ili
Bak gonteule dalam kuta

Bungong djaroë pih lom djibri
Djijoë teuka teuma lusa
Lusa teuma djijoë djak toeeng
Ulëbalang tan serta

Ban saree troh njan udalam
Gurangsang kheum meungura
Kaphee teuma djikheun meunoë
Bak uroë njoë baro tateuka

Padum na treb lon ka preh preh
Bak uroë njoë baro tagisa
Keu ulon hana tagaseh
Njum njum djajeh kamoë teuka

Djakalëe na njan tagaseh
Beutapateh ban lon kata
Djak tatamong lam keuleumbu
Djak beradu siklep mata

Meunan ulon kumeunapsu
Lon rindu galak keugata
Ban djideungo ureueng inong
Kheum teu sinjuem boh boh muka

Bek tamalèe wahee potjut
Tjit meunan boeet meusuka suka
Peu tapeuget njan hai tuan
Larang tuhan bek keureudja

Peue tjit takheuen lon tagaseh
Lon maba djak eh tameudawa
Djimat djaro dijoë tamong
Ureueng inong putjat muka

Han djeue tuan beurang kaho
Badan lon kuto buleuen ban teuka
Ta peu udin bah lon djakwoë
La en uroë teuma lon teuka

Menjo menan tameu tanggoh
Lon harap beutroih tadjak lusa
Menan resam kaphee asèë
Djipeue lagee inong muda

Bek le tadoeek uleëbalang
Beudoh djak tjang kaphee blanda
Njoë saboh teuk pih meuseukee
Hukom kaphee biëk belanda

Tudjoh uroë lam sepeukan
Siuroë njan boeet keureudja
Boh boeet uruë boh boeet malam
Bah keuh njan saboh keureudja

Meunan hukom djiboh padan
Inong agam keutjek beusa
Tuha muda boh aneuk miet
Ureueng sakit meü ek djiba

Ulëebalang pih djijöë boeet
Beuthat potjut rumoh raja
Habeñ bandum djipeusanteut
Beuthat potjut ngon sibala

Lamiet ngon po han meuri lee
Boeet sikaphee djipeurata
Bah lee geutjhik imum nanggroë
Wazi meuntroë djipeutuka

Simeutjandu njang that mengriet
Djih lam sakit tjundu han na
Gopnjan kureueng bak meuhisap
Han geutupat tuho mita

Ureueng bungka pih poeñ han ban
Beuthat djalan se-at sadja
Meuhana phaih lom djitawan
Lom djitjok njan ngon areuta

Bathat beurap tadjak siat
Saboh saat njan umpama
Beuthat meugriet boeet teudhap-dhap
Beuthat arat na keuredja

Meuhana phaih han djeuet tadjak
Langkah singkat han djeuët segera
Han troh nabsu ban takheundak
Meutheun tapak bandum sama

Hukom gadoh adat reulee
Agama tan lee bubee seuma
Tjit meutamah lo that djahee
Oh troh kaphee biek Belanda

Njan keuh hukom silanatollah
Hai meutuah kon peusuna
Tjit meuhat na ban lon peugah
Kan beurakah lon meulaba

Han tapateh djak eu keudroë
Bangka djinoë u nanggroë Djawa
Misse Padang dengon Deli
Lom Beutawi nanggroë Djawa

Hukom sjarak tan djipakoë
Djeueb2 nanggroë djidoek Belanda
Doeek keudjalang ureueng binoë
Njang na lakoë djimeudina

Beuthat lakoë thèe djimeumukah
Han djeuet teugah boet tjeulaka
Meunan hukom silanatollah
Djeuhat that leupaih boet Belanda

Ean djitakot adeueb Allah
Bit that sosah ta eu rupa
Meunan keuh dum ta eu lahee
Bak doeek kaphee nanggroë Djawa

Agama iseulam toeeng hana lee
Hukom kaphee njang berganda
Djekue bonoë ka lom peugah
Lam keureutah ka lon hanta

Bukon teungku lon beurakah
Tan bubee drah lon meulaba
Meunan hukom bak gompeuni
Hukom kaphee biëk Belanda

Ta dengo lon hee ja rabbi
Aturan kaphee hukom Belanda
Tapadok lon nibak meunan
Bek roh sjëetan tepëe daja

Tatunjok lon ateueh djalan
Keurilaan gata geuma
Tabri beuroh ateueh ta at
Lon ibadat njan keu gata

Bek tabri roh djalan sisat
Tabri teutap niët lam dada
Bek tabri teuka ria teukabo
Ja Tuhanku neupeulara

Tabri lon puboeet keubadjikan
Seukalian njang ta geuma
Tabri reudjang ulon tēebat
Nibak masiet daroh haka

Tabri keulon diachirat
Djalan teumpat lam tjeureuga
Lom pih teuma keulon tabri
Keu prang Sabi bak lon geuma

Tabri kuat ngon beurani
Lom beutabri nlet bubeuna
Tabri sunggoh bak puprangan
Ateueh djalan suroh gata

Bak prang Sabi bek putosan
Seumentara mantongna njawa
Lailah ha illallah
Dikee Allah bek na reuda
Muhammad Rasulullah
Dua kalimah that mulia

AMABAKDU TADEUNGO KRI

Keu Prang Sabi ulon peugisa
Keuboeet kaphee ka tatukri
Kalheueh lahee lon peunjata
Taprang kaphee Sabilolah
Tjeureuga luaih balos djasa

Suroh Allah takeureudja
Bunoë pih ka ulon peugah
Dalam kurah njang peutama
Lheueh njan tipèe sjëtan badjeueng

Djitheun ureueng dalam donja
Prang kaphee teuma lon bileueng
Djipeukengkeueng asoë donja
Djinoë teuma ka lon ulang

Bak haba prang nan Sabila
Keuleubihan ureueng muprang
Meuriwang misee peutama
Lon boh diteungoh sjëtan tipèe

Mangat geuthèe soë peutjaja
Lheueh njan tauma lon peuteuntèe
Prang ngon satrèe biek Belanda
Dilikot njan njoë haba prang

Kadjeuet meuseulang njum? dua
Tamise urueng meu oee diblang
Lom diladang puga lada
Sangkira hana djeuet padee

Kana diglee lampoh lada
Han diawai na diakhee
Leumoh atee dum na gata
Keuleubehan prang tjit lon peugah

Misee ulah njang peutama
Laen pih na lo meutamah
Lon peugah hadih soëdina
Ulon teuh toeeng dalam kitab

Na nasihat moseulimina
Lon teudjeumah keu hikajat
Atjeh meuhat lon boh basa
Mangat djitupeue lee sidungèe

Tan eleumèe misee hamba
Mangat djithèe njang sibeuna
Masa dileekaulon kasat
Peuget hikajat keu sjeedara

Keu ureueng agam ulon kasat
Keu nasihat njang tem geuma
Keunan lon bri hikajat njoë
Kon adoë keu ureueng lupa

Kon keu teungku gurèe kamoë
Ka na bak droë dalam dada
Han mee taboh ie dalam mon
Ka meutamon teubiet mata

Lom saboh treuk han get bangon
Sang teumon peunamiet radja
Misee la ot njan tasibu
Misee labu taboh bandja

Misee aneuk peurunoeë ku
Han get laku djeuheut that basa
Dilon teungku meulon peugah
Bak Allah lon takot dëesja

Keurena hadih Rasulullah
Na geupeugah lee ulama,
Man katama ilman aldjamuhulla
Hu billidjamin minal nari

Barang soë som eeumée Potalah
Keukang lam babah misee guda
Geuboh keukang uleh Allah
Apui mirah tutong raja

Njan keuh sabab ulon peuget
Beutaseutet prang Belanda
Ban lon peugah beutapuboet
Hai tungku tjut na keuh pahla

AMABAK DU KEUMUDIAN DUDOE

Ingat adoë joh goh djula
Taprang kaphee bandum hai teungku
Tadjak ladju bek treb teuka

Tatinggai prang dëesja gata
Hai sjèedara aduën adoë
Beutapikee bek talupa
Keunong bala pagee duduë

Wahee mokmin njang meu iman
ingat peureuman po geutanjoë
Meuhan tapateh hadih pereuman
Binasa badan uroë dudoë

Beu ta ingat wadjeb meutjeh
Prang kaphee paleh bek troh djiwoë
Ajat lon boh ka dahulu
Han peue teungku lon boh lom disinoë

Areuta ngon droë keu prang Sabi
Njan beutabri tapeudjaroë
Meunan suroh po ku Rabbi
Napakah tabri bak hoeet prang njoë

Adeub geutanjoë tatinggai prang
Oh tapulang pagee dudoë
Beuta ingat hai tjut abang
Seksa geupulang hana bagoë

Illa tafiru ju azzibukum
Ingat kawon kalam meunoë
Geuseksa urueng njang han muprang
Tutong badan peudeh asoë

Deungon kaphee muprang gata
Mat beurata alat didjaroë
Na sangkira hana kuasa
Djok blandja tapeudjaroë

Misee peureuman po halarat
Beuta ingat wahee adoë
Mak na muphom teuma meunoë
Wahee mokmin alat beuhasee

Ngon prang kaphee sitrèe geutanjoë
Bubee kada na kuasa
Tapeusigra barang kasoë
Beuta ikot dum beurata

Hai sjèedara adoën adoë
Feudueng seundjata dum njang kuat
Guda ta ikat dum njang ragoë
Sitrèe Alah na djitakot

Nak djisurot kaphee pindoë
Alat tamita ngon tamuprang
Wahee abang geunap uroë
Njawong tuboh bek tasajang

Blandja prang tapeudjaroë
Beuta ingat hai ureueng mokmin
Beuthat njakin ubak boet njoë
Ingat suroh rabbolalamin

Djimeunan din agama teuh njoë
Sipreuti ban peureuman Tuhan
Ngo hai abang lon peugah proë
Tjuba puphom wahee adoë

Meuhan tamuprang gata bandum
Laen kawom neuboh gantoë
Barang kasoë Tuhan suroh
Neujoë poh musoh kaphee pindoë

Mee keuh meunan wahee teungku beuh
Bahlee neuboh laen gantoë
Teuma gata kupeue guna
Hana seutia teudoek keudroë

Uroë pagee keunong seksa
Meunjo gata njan ta iem droë
Pakri njan djeuet ta ien sabee
Sang han matee dum geutanjoë

Tatakot that njan keumatee
Njum hana lee nekmat dudoë
Meunjo tathèe get tjeureuga
Masiet gata keupeuë sinoë

Meunjo musoh teuh Blanda
Muprang sigra geunap uroë
Io that pahla prang ngon kaphee
Hai boh hatee tango djinoë

Sadum ngon anoë dipasi
Tuhan bri pahla pagee dudoë
Njoë lon tango wahee iseulam
Beuna tapham pahla prang njoë

Joh geupeudjeuet nabi Adam
Hingga tuan kiamat nanggroë
Ta ibadat dum na gata
Bek na reuda malam uroë

Habeh meuhimpon pahla gata
Keusoë njang na djak prang kaphee njoë
Meuhimpon pahla keu ureueng muprang
Wahee abang bek that laloë

Beu tapuboeet paagi peutang
Bek na reunggang malam uroë
Beuna tadjak peutang pagi
Bak prang kaphee geunap uroë

Lam tjeureuga saboh meuligoë
tameh djih beusoë bara teumaga
pinto djih manék pudoë intan
doek didalam muda belia

Lam tjeureuga na saboh taman
diteugnoh njan kroeng Kan Keësa
soë jang manoë dalam kroeng njan
sehat badan tuboh angèëta

Lam tjeureuga na saboh ajon
meu alon alon meugisa gisa
soë teumeë ek lam ajon njan
Selamat iman didalam dada

AMABAKDU DUDOE NIBAK NJAN

Keuleubehan ureueng meu guda
Teuku Husain beuho Tungang
Geupeu ek prang gidoeek guda

Teuku Husin na ta tusoë
Aneuk mentroë Imeum Loeeng Bata
Oh geutamong dalam seueh prang
Abek geutjang sidadu Blanda

Major Sipeh tinggai sidroë
Djeploeeng diwoë u Kutaradja
Kuta gobnjan di Lamleu Eu
Djeuet hai teungku djakpareksa

Geupeu ek prang uroë malam
Kuta lam Pisang rab seureupa
Untong kaphee wahee Teungku
Troih meunatu di Kutaradja

Bangke Kaphee
Kateu taek-tiek
Djeueb djeueb loengkiet
Lam kuta Blanda.

Tjit Sidumanoë haba prang sabi
Laen rawi lon ba teuma
Ja Tuhanku neubri beureulut
Doa selamat keu ureueng batja.

A M I N.

NASIHAT KEU PETANI

AMABAKDU WAHEE ACHI
Hikajat prang Sabi tjit tamatka
Haba laen njoë lon peugah
Beuthat beurakah tjok njang beuna

Wahee Teungku asoë nanggroë
Beudoh djinoë djak Seumuga
Keu petani nasihat lon bri
Ikot achi tuha muda

Lamphoh jang soh pula pisang
Didalam blang tjapli tapula
Dalam umong pula padee
Bak gaki glee pula lada

Pula bakong bak bara blang
Pula bawang bak tanoh rata

Bak reuleueng kroeeng pula teubëe
Rajeuk peureudëe lou that saka
Lam loengkik glee pula kupi
Bak tanoh tinggi katjang tapula

Bak tanoh meu anoë pula bawang
Takoh djeuendrang bakong taba
Tatjah uteuen pula nilam
Ngon lheuh njan geutah tapula

Dalam gampong tapula-u
Nanggroë makmu dengan copra
Bineh gampong pula pineueng
Lo djitakeuen u India

Pula rambot bak tanoh loon
Aieueh pantoon langsung taba
Tanoh meubatèe tapula driën
Bak bineh njan lhom seumeuta

Ja Tuhanku neupeu ampon
Bandum ureueng jang seumuga
Neubri badan dum beusehat
Dihareukat neubri kaja

Jang pula tjapli ek djibloë blang
Jang pula pisang bloë spada
Jang pula bawang dengon bakung
Feudong geudong sèedaga siwa

Jang pula u dengon getah
Djak u Makkah nanggroë mulia
Jang pula nilam dengon kopi
Djak u hadji ngon kapai udara

Doa ulon beutroih sampoë
Bak Tuhan sidroë jang lon pinta
Ascë nanggroë beuseulamat
Neubri nekmata jang Seumpeuna

Seb keuh dobnöe ulon gubah
Neupeumeu ah patna tjupa
Ureueng batja lon bri selamat
Jang deungo pih sama-sama.

IRIAN BARAT

AMABAKDU LOM HEE SABAT

Irian Barat keudeh lon bz

Boeet Belanda katatukri

Ubah djandji djih biasa

Lagèe Belanda pula labu

Meunan teungku haba madja

Dilakèe bak radja tanoh sigitu

Bak pula labu keugulè sadja

Tanoh geubri tjit sigitu

Dipeu eu labu ho djisuka

Lheuh nibaknjan djiglong patok

Tanch djitjok ubee hawa

Dudoë teuma hee ja achi

Diglong gaki peudong dawa

Dipeugah tanoh kageubri keudjih

Bek takeu eh patok jang kana

Meunan keuh boeet Belanda sitrèe

Hana malèe bak meudakwa

Peupakee ureueng sabee keudroë2

Ditoëeng nanggroë ahee teuma

Tjidaih utoih bak toeeng nanggroë

Le that meupaloëe radja-radja

Ubeena untong pouwoë u nanggroë

Peulitik dingoë devide at empera

Joh masa tok tamong Djepang
Tan djimeutjang diploëng landja
Dudoë teuma dikembali
Diteumeu djak taki Sukarno Hatta

Rakjat Indonesia sapeue atee
Handibri lee woë Belanda
Peudong dawa hana matjam
Di Kaliurang beurunding teuma

Agus Salim Utoih bidjak
Sjaril sapat doeek sebandja
Lheuh beurunding ikat djandji
Teuma diungki teulah teuka

Sukarno Hatta mat proklamasi
Sabang Meurokee wilajah Indonesia
Han geutem seuk meu sipadee
Djeuet lom pakee klass pertama

Djampu tangan teuma pebebe
Graham tok leeu Indonesia
Rakan Graham Astralia Belgi
Ban lhee ahli tata negara

Rantjak utoih hanta tuban
Ladju geupadan Indonesia Belanda
Keudeh keunoë geumeu rapat
Fandang sahabat Indonesia Belanda

Ngon lheuh peu anggok ban dua rakan
Ban lhee gubnjan pakat sama
Perundingan Renville teuma geupadan
Lam kapai prang meudoëek pakat

Keunan meusapat ureueng kha²
Wakil Pebebe pih doeek sadjan
Geudjaga tertib perdamaian
Ban lhèe gobnjan ikot serta

Ret deh rot noë doeek seumikee
Sjarifuddin Kade kekeutua
Kedua pihak ka meuanggok
Teuma terbantok Renville trakta

Konperensi Renville kaseuleusoë
Kapai prang woë u Amerika
Masing² woë u tempat
Meudoëek pakat pelenggara

Indonesia ta at keupakat
Djib² kantong geu tarek tantara
Diparadjurit woë u tempat
Istirahat ngon keluarga

Di Belanda djih that lisek
Kenil ditarek pura pura
Paradjurit Belanda puwoë u nanggroë
Tinggai sinoë Ambon Djawa

Meunan keuh ban akai taki
Kaphee madjusi ubah hanna
Bangsa Belanda tan padum matee
Jang teutie bangkee Ambon Djawa

Meunan keuh utoih Blanda pindoë
Jang bangsa droë tan lo binasa
Bangsa Indonesia matee sirebé
Belanda sitree sidroë sadja

Di Belanda dipeukap taroh
Jang antjo tuboh suedadu Nica
Wahee pemuda beuta ingat
Bek that tamat kheun Belanda.

Puta keling tan padumna
Puta belanda lo that bagoë
Ta denge njoë takalon djeh
Belanda areh bak puta putië

Lheueh disabot kali Kaliurung
Renville teuman loom diputië
Irian Barat han djipulang
Ngon kreuh tjeukang dimeudawa

Tracktat Renville lom diputa
Direuboeet Djokja teuman lagi
Dalam agresie kless kedua
Bak djisangka ka lheuh keudjih

Dewi tunggal didroeb ban dua
Sukarno Hatta Salim lagi
Kadji baploeeng ngon kapal udara
Keudeh u Bangka disembunji

Beuthat Presiden ka ditawan
Seumangat Kemerdekaan hana poli
Bengeuh rakjat hana bagoë
Djob2 nanggroë gureella terdiri

Dipeu ek prang malam uroë
Sabe di engkhoj sidadu nica
Suboh disurot insja diserang
Geunap malam tan berenti

Djendral Spoor sabee meh moh
Dokter van Mook ulèe ili
Bak djisangka djih ka meunang
Lheuh ditawan Tunggal Dewi

Tan djisangka dibeudoh bakat
Ubee na sahabat Indonesia
Birna, India beugeuh han ban
Ateuh butan agresi Belanda

Nanggroë Asia bandum guntjang
Belanda tunggang bandum ditjatji
Ubeena nanggroë diheu mupakat
Keudeh meusapat lam kuta Delhi

Nanggroë Asia sapeue pakat
Belanda dochat dikutuki
Kuta Djokja dijoë pulang
Dijoë riwang u Betawi

Han dipiateh Belanda tunggang
Peukreueh tjeukang djiglong gaki
Konferensi India tjok putusan
Peu ek teuman resolusi

Ka dibeykot laut ngon udara
Han dibri teuka kapal Belanda
Karena dum pakat ka di ungki
Peu kreueh gusi peu leumah tunggang

Di Kaliurang Komisi tiga negara
Teungoh bitjara bek pakee lee
Peu leumeh droë rajuk kuasa
Tetapi gurila tan ditakot

Djenderal Spoor ditimbak matee
Doktor Van Mook atee sungkoë
Rakan sidraë djih kamatee
Nanggroë Belanda politik guntjang

Karena tunggang Van Mook bachee
Dalam pe be be lom didesak
Dijoë peulheuh tunggal Dewi
Boet Belanda meulanggar gares

Han dipateh peunetap pe be be
Puleumeh tungang peukreuh uléé
Belanda sitrèe musoh nabi
Boetan Van Mook bandum karut

Tan djitakot puta putié
Ulée saket boët gurella
Doktor Beeld dji peu ek keu gantoe
Pangkat sibagoë waki mahkota

Di peu-ek Van Royen u Indonesia
Peutepat bandja jang Van Mook ungki
Dimeuteumée ngon mester Rum
Ahli hukum bandua si

Di Van Royen weë u nanggroë
Di Rum dudoë djak u Bangka
Teuma geuriwang bandua droë
Meutemeë dudoë di Djakarta

Ban dua gobnjan geumeufakat
Pakri ban njang get bek lee dakwa
Masing2 peuget konsepsi
Peulemah kri bangeusuka

Teuma tebiet suboh Statemen
Rum Van Royen dibeuri nama
Lheuh njan geuba bak Pe Be Be
Disah teumanle dum anggota

Asoë Donia bandum galak
Beklee bergolak Indonesia Belanda
Presiden bandua droë
Dipeulheuh gauwoë keudeh u Djokja

Doktor Van Mook tjit malee that
Ploeng woë leugat u nanggroe Belanda
Parlemen Belanda geuberunding
Meunan pih poleem Knip Indonesia

Ban dua pihak mempertimbang
Rum Van Royen bahas seksama
Iheuh geu fikee sapoeue anggok
Roh geubentok saboh tjara

Teuma teuhit lom sabeh konsepsi
Peget konferensi medja bunda
Lam konferensi mudoeek pakat
Keu deh meufakat u Den Haag teuma

Tameu damai bandua pihak
Meunan didesak komisi tiga negara
Rum Van Royen ulèe ili
Sibuk han sakri bak seulenggara

Terbang u Bangka woë u Betawi
Djak peugah kri bak Sukarno Hatta
Sukarno Hatta hana geupakoë
Meu gohlom dipuwoë kembali u Djokdja

Saweub boknjan dalam tawanan
Rakjat sadjan hana seureuta
Harus geutanjong ubak rakjat
Baro teupat dum peukara

Meunan djaweub Presiden geutanjoë
Royen diwoë saket kepala
Lheuh njan teuma woë u Den Haag
Gudjak peugah dum peukara

Troih geugisa teuma dudoë
Presiden dipeuwoë keudeh u Djokdja
Di Doktor Beeld pih malee han soë
Diploeeng djiwoë u nanggroë Belanda

Karena Ceas fire kadidjalan
Ateuh desakan komisi tiga negara
Ban dua pehak peupijoh prang
Bek lo korban rakjat dumna

Joë meufakat predamaian
Njan keuh djalan jang seumpeuna
Troih u Djokdja Presiden
Hatee dingin rakjat peumulia

Tokoh2 jang ditawan
Dipuwoë pulang keunan u Djokdja
Bandum saree kameusapat
Meudoeek pakat ngon seksama

Di Bung Hatta pih that giat
Geubeurangkat u Kutaradja
Peue njang ka pakat djak peusareh
Sjahfarudin preuh di Sumatra

Lheuh geuberunding teuma geuwoë
Deungon plain droë Seulawaih sa
Peusawat seulawaih geubri le Atjeh
Saboh treuh tapeureh neubri Gasida

Ngon kapai njan geu terbang
Meuwoë ulang keudeh keunoë
Statemen Rum Van Royen geu peuteupat
Djak mu pakat keudeh keunoë

Ngon lheuh pikeë sapeue pakat
Kabinet geumat lee Bung Hatta
Atee rakjat seunang han bagoë
Peudana meutroë mat lee Hatta

Teuma Bung Hatta uleë ili
Deungon missie u nanggroë Belanda
Achee teuma meurok pakat
Dipulang deëlat ke Indonesia

Radja Belanda kepala uni
Ban dua negeri deëlat sama
Hana mijueb hana manjang
Ban dua saban taraf sama

Teuma terbentuk Indonesia Sjarikat
Jang terimong deelat simantara
Du doë teuma pakri ban pakat
Geu pilih lee rakjat di Indonesia

Nanggroë Irian Barat goh dipulang
Meutangoh joh njan dua thon sadja
Lheuh dua thon teuma di pulang
Dalam berunding Indonesia Belanda

Joh goh abeh Desember empat sembilan
Nanggroë Irian pulang ke Indonesia
Troih bak tangoh sampoë bak hat
Irian Barat dipulang hana

Lom Belanda diputa djandji
Kapadumgo konfrensi diputa putië
Di Presiden ka tjukob beungeuh
Teuma geujoë weh bandum Belanda

Bek djidoëek lee bak nanggroë njoë
Belanda pindoë tukang puta
Wahee pemuda jang bestari
Putra putri Indonesia

Irian Barat ta tjok pulang
Kadisugang lee Belanda

Meusapeu kheun saree anggok
Ek ta insjok tukang puta
Menjo jakin kong ngon iman
Meuteumèe pulang Irian teuma

Wahee peradjurit jang tjubeuh tungang
Bentara sadjan ngon Parwira
Beudoh teungku panglima prang
Rubot Irian bak Belanda

Wahee pemuda jang analan
Keu Irian bek ta lupa
Irian Barat ta reubot pulang
Milik bak wang nanggroë pusaka

Seub keuh dubnoë ulon peugah
Njoë amanah lon katuha
Ja tuhanku neupeu ampon
Deesja ulon jang meurika

Keupeumuda beri seulates
Dihareukat neubri kaja
Amin ja rabba! alamin
Soë jang jakin hareukat kaja

„TAMMAT”

DUA BOH BUKU DJEUT PULANG KE PUSAKA

1. Buku "SINGA ATJEH", riwayat hidup Sri Sulthan Iskandar Muda (Meureuhom Meukuta Alam) Asoë rumoh, peladjar dan mahasiswa harus geutupeu osoë buku njan, get njang keunong ngon adat dan hukom serta sedjarah keudjajaan Atjeh dimasa dileë, lageë haba madja :

Adat bak poteu meureuhom,
Hukom bak Sjiah Kuala,
Meudjlis kanun bak putroë phang,
Resam bak bentara.

Umong meu ateueng,
Ureueng meu peutua,
Rumoh meu adat,
Pukat meukadja.

2. Buku "DJEUMPA ATJEH", Roman njang menudju keu alam pergaulan dan sastera baro. Ban dua buku njan ka geungoë lee sekula2 tinggi (Fakultas Keuguruan dan sastera) Kedua buku njan djeut gebloë bak toko2 buku di seuluruh Indonesia atau pesan langsung bak :

PUSTAKA "ISKANDAR MUDA"

Djl. Amaliun No. 14 A.

M E D A N .

Sedang Ditjetak.

TARICH ATJEH DAN NUSANTARA

Oleh :

H. M. Zainuddin

Isinja :

1. Asaliah Bangsa Atjeh
2. Nama Negeri Atjeh.
3. Bahasa Atjeh
4. Adat Istiadat Atjeh.
5. Expansi Radja Iskandar Zulkarnain.
6. Expansi Radja Siam dan Modjopahit
7. Islam masuk ke Atjeh.
8. Sedjarah Negeri : Poli (Pidië), Peureulak, Samudera (Pasai) Tamiang, Aru, Djaja, Alas, Melaboh, Seriwidjaja, Malaka, Perak, Kedah, Djohor, Pahang, Pagarujung dan Siak.
9. Perkembangan Agama/Kebudajaan di Nusantara
10. Perdjalanan Ibnu Batutah ke Gunung Sarindeb dan Peureulak Samudera (Pasai).
11. Kedatangan Orang Portugis, Spanjol, Belanda dan Ingeris ke Atjeh.
12. Mata uang Atjeh
13. Pertambangan dan Ekonomi di Atjeh.
14. Sedjarah Purbakala
15. Subversif Belanda dimasa Ratu2.
16. Susunan dan Salsilah Sulthan Atjeh.

Dihiasi dengan gambar2 jang penting dari zaman Purba.

P e n e r b i t :

PUSTAKA ISKANDAR MUDA

Djalan Amaliun No. 14 A Medan.

00013

BATJALAH BUKU



Kedua buku ini dapat dibeli pada toko2 buku
diseluruh Indonesia atau pesan langsung kepada :

Pustaka "ISKANDAR MUDA"

Djl. Amaliun 14 a Medan

dan

"WAKTU" Book Store

Djl. Sutomo 325/P.44

M E D A N .